

翰林楊仲弘詩集

翰林楊仲弘詩集

文安公全集

淵穎吳先生文集

苑德機詩集

金華黃先生文集



翰林楊仲

弘詩集

四部叢刊初編集部

上海商務印書館縮印江  
南各省書館藏明嘉靖刊本

重刻翰林楊仲弘詩集序

與自詩體屢變而有刪後無詩之說僅取盛唐諸

勅賜博文堂

嘉靖丙申歲秋九月既望梅雨翁匯書于

家庭筠義山以下不論也余竊謂萬古此天地則  
萬古此人心聲諸心者爲言詩特言之成章者耳  
何古今人不相及邪蓋詩有法言有旨言近而指  
遠者善言也法而不拘不曰詩之善者與謫仙有  
云大雅久不作而其爲詩天才放逸真若無所事  
法而子美則周旋法度之中而後之言詩者莫先  
焉宋以文爲詩而元人迺謂唐詩主於達性情故  
於三百篇爲近宋詩主於立議論故於三百篇爲  
遠是元人之言唐人之心也謂元之詩無盛唐之  
法可乎是故名家不一而仲弘楊先生推先行輩  
淵源有自法度可循足爲一代宗匠其遺集則罕  
有見焉者暇日偶檢笥中獲舊本一帙讀之惜其  
字多磨滅因手自校訂爰命梓行與天下詩人共  
雖然嚴滄浪之詩亦佳矣而或者猶曰不逮其詩  
話則仲弘之作豈易得也哉故自言用工二十餘  
年始能會諸法而得其一二今其法具在是集也  
必有正法眼藏而傳之者矣詳見范德機先生序  
茲不復贅云昔

翰林楊仲弘詩集序

詩自三百篇以還至唐而聲律大啟今人作詩以唐爲法唐詩蓋數百家雖不盡預四庫之目先賢猶慮其繁欲便後學乃選爲三體四體極玄又衆妙二妙英靈間氣等集然其用事源委多有未通因博採簡冊所載參以平昔見聞訓釋成編諗諸同志咸俾入梓以助啓蒙余尚懼疎舛或曰朱文公註楚辭未免闕疑李侍讀註文選亦或相述之謬况其餘者乎博洽君子庶幾補而正之云昔至大二年重陽日裴度奉書

翰林楊仲弘詩集序

大德間余始得浦城楊君仲弘詩讀之恨不識其爲人及至京師與余定父商論雅道則未嘗不相與挺掌說也皇慶初仲弘與余同爲史官會時有纂述事每同舍下直已而猶相與面翔留署或至

見月月盡繼燭相語刻苦滯泊寒暑者不易者唯余

一二人耳故其後余以御史府用筦南憲架閣適

海上仲弘復登乙卯進士第爲浮梁別駕余遷江西仲弘亦改宣城理官相違十數年相距數千里

迹雖如是而心固猶數晨夕也而仲弘竟未任宣

城以卒烏乎慟哉余嘗觀於風騷以降漢魏下至

六朝弊矣唐初陳子昂輩乘一時元氣之會卓然

起而振之開元大歷之音由是不變至晚宋又極

矣今天下同文而治平盛大之音稱者絕少於斯

際也方有望於仲弘也天又不年假之豈非命耶

蓋仲弘之天稟曠達氣象宏朗開曰論議直視千

古每大眾廣席占紙命辭敷曉橫放盡意所止衆

方拘拘已獨坦坦衆方汗餘已獨馳駿馬之長坂

而無留行故當時好之者雖多而知之者絕少要

一代之傑作也仲弘有子尚幼其殘藁流落未有

能爲輯次者友人杜君伯原自武夷命僕曰將就其平生所得詩刻諸山中此誠知仲弘者而杜君猥謂整仲弘海內之交相好又莫余若也俾爲序之用掇其梗槩著于篇端

致和元年六月一日臨江范桺序

翰林楊仲弘詩集序

翰林楊仲弘詩目錄

卷之一

五言古詩

雪軒

次方韶父遊九鎖山韻

桶底圖

次韻景遠學士

送淳安徐教諭

贈李尊師

大古雪

胡氏刺虎圖

溪山橫雪圖

偕虞伯生魏池燕分韻

題溫日觀葡萄

金壇宋氏自怡軒

澗松

劉將軍詩

古木

東山詩爲葉子實賦

題恒齋

次張仲實韻

題文丞相書

塞上曲

夢讀韓退之詩

雪後次韻鄭集之

次韻劉師魯

夏夜用田郎中韻

橘中篇

次韻袁伯長

題屏風商山四老

李御史之陝

遺與偶作

書懷寄杜原父

黃天祥衍數

題史仲憲修三皇廟

贈無極上人

贈執中允上人

雲龜篇

卷第二五言律詩

送凌吉叟

初陽臺望月

次韻方韶卿

寄劉師魯

龍井

贈吾子行

東陽十題

送屠存博

渡江寄俞仲連

題雙峰樵隱

贈方韶父

和孟東野

送方韶父先輩遊五湖

送孫大方歸朝元宮

卷第三五言律詩

題羅氏別業

次韻江行

酬吾子行

題信州先天觀圖

宜遠樓

餞國吳文康公挽詩

次韻題蘭竹

贈程景純

思菴

赤壁圖

贈昌上人

送葉彥中之官行臺

送胡秀才歸新安

惠崇古木寒鴉

留別陳益謙

遊陳氏園

挽父處士

顧氏義塾

挽吳道士

送林季羽入京三首

送徐義父入京

贈雲上人

贈胡汲古

中秋

挽曹光益

贈劉時中二首

送王元禮歸平城

贈張之翰二首

送陳君佐二首

宿延祥觀有感

題野清堂

送張宣撫使嶺南

喜雪酬康院使

送李侍郎使安南

送吳清叔

贈鄭算師

黃櫞林爲龔聖與作

次韻夏仲勉二首

冬至次韻張宣撫

送吳清叔歸婺

淨慈亭二首

酬吾子行

偶作

送劉明卿歸安東

和張仲寶舟行韻

題秋江釣月詩卷

卷第四五言律詩

贈周景遠學士

壽姚承吉

次韻曹士開毗陵喜雨

壽杜尊師

次韻張仲寶之宜興

春雪次陳元之韻

送張仲寶之宜興

送丘子正之海鹽

贈班彥功

燕丘氏溪堂

次韻黃子又喜晴

用韻贈黃子又

寄王繼學二十韻

送完者都同知

贈郭集賢

悠然閣

寄周御史二十韻

送董與可

送朱後之邵武教授

趙彥祥母八十

雲江圖爲劉宗師作

題康里氏家譜

題王參政積翁詩卷

贈魏虛舟少府

贈劉平叔郎中

送丘子正之海鹽

贈盧彦高

鄭中丞母八十

送朱仲山歲賀入官

招真觀圖

喜晴得楊子呈汪知府

寄沈少微

挽徐處士

送侯算師歸蜀

春曉喜晴

卷第五七言古詩

送俞用中之蓮城

古牆行

題山石猿爲圖

李伯時畫浴馬圖

送時中兄入京

次韻題浪紋石

題王起宗畫松石圖

題翠岳山城圖

神馬歌次韻陳元之

古劍歌

梅梁歌

題趙千里山水

題秋雨長吟圖

竹樹圖

時中獨輪車圖

卷第六七言律詩

宗陽宮望月

次韻錢唐懷古四首

題豐樂樓

水樂洞

題拱北樓

次韻羅雲叔紅梅

紀夢

次韻陳子仁黃河三首

遊水樂洞分韻

望海

送羅雲叔歸山中

送段時敏之京

留別京師

柬蕭伯善萬戶

送句曲外史張君

送康里尚書

贈同院諸公

玉堂夜直

惠山泉

寄維揚賈侯

寄康大夫

送伯長扈駕

寄袁伯長

東湖四景爲王本齋賦

和虞待制魏錄事

即事

次韻袁伯長待制

送薛玄卿歸龍虎山

送虞貞白

春雨

徐獨清挽詩

寄武當山張真人

題火涉同知像

次韻田師孟西曹即事

次韻黃子久

鷗波亭阻雨

懷錢唐故人

寄吏部張尚書

題謝疊山遺墨

題本齋王公畫像

寄題萬竹軒

送范德機

送鄭子謙

贈彭萬里

七月九日大明殿朝

酬賈郎中

雷江阻風寄周南翁

送王仲儀

點義倉即事

體覆木綿過樂平偶賦

題楊指揮樂善堂

次韻張真人碧桃

江上

過安慶城下呈李判官

寓長春道院即事

題沈君湖山春曉圖

柬程處士

贈合部遇宗師

卷第七七言律詩

舟次池陽贈歌者

簡松江汪知府

壽韓國公

武當山張真人

奉呈左司張元朴

贈惠山盛長光

寄曹雲西

送師總管

題景德寺宜月軒

送趙伯常

重陽日作

贈善畫沈處士

送戴尊師入越

簡李可度

贈戴鑑

贈王止善

次韻吳生見贈

贈雲上人

卜耕宋徵士

送周用章

送陳堯卿之京

登邵邑宜晚樓

呈馬昂夫僉院

次韻錢翼之

賦飛鴻送胡則大

賜宴謝恩

送劉長卿張伯起

奉羨劉侯

次韻蕭君用

送殷國華之和州

遣興

湖上

贈沈子成

偕汪侯宴舟中

偕鄭尊師飲余氏

竹所爲余隱君作

贈月桂庭長老

送汪仲致舍人歸閩中

用左轄郝公韻

送劉希孟赴曹雲西招

送葉顯仁錄事

暮春遊西湖北山

題夏氏濟飢詩卷

謝曹雲西寄菊

寄無錫劉張二君

次韻羅雲叔雪中見寄

贈張相士

次韻汪復心主簿

送方天瑞山長

高沙朱山甫挽詩

送汪子盤山長

題張氏順堂

遣興

用郝左轄韻贈曹雲西

題胡伯衡飛雲圖

元日早朝次韻辛良史  
歸至丹陽

題貢氏秀野堂

次韻張仲實除日聞鵠

吳山晚眺

次克明韻贈劉時中

潮

次韻袁德平苦雨

遺興

送方永爲重慶校官

夏夜對月

送方永爲重慶校官

次韻劉時中見寄

遺懷

畫竹

墨蘭

卷第八五言絕句

題高尚書竹石

王晉卿古木

墨蕙

題墨竹

畫竹

墨蕙

題松雪墨荷

題墨竹

畫竹

墨蕙

七言絕句

客中即事

五首

悼隣妓

種柳圖

趙松雪畫蘭竹石

漫題

贈陳相士

棘林圖

沙鴈

題應中父山水圖 扇上竹

題高尚書墨竹 聽琴圖

讀碑圖 題水仙花

題雪竹圖 題風竹圖

題息齋竹 雷泉

次韻康子山 題鍾呂傳道圖

到京師 送人

畫竹石 宿浚儀公湖亭四首

題十二紅卷子 題巨然秋山

題鄭子真畫像 次韻陳又新真人

贈高如山 題畫兔呈馬伯庸學士

喜晴 紀夢

題倪御史墨帖 題廣寒龍先生詩卷

題溫日觀葡萄 題墨竹

次韻

德陽雜興

題子行魚藻圖 題宣和畫爵三首

次韻雪三首 題曾氏墳山詩

題三生圖 雲林雨霽圖

山谷帖 趙承旨帖

陽關圖 春山圖

集虛

偶題

畫枇杷

喜晴

清溪

畫馬

題沙紋簣屏風

偶題

翰林楊仲弘詩卷之一

五言古詩

雪軒

北風海上來大雪何壯哉上下九萬里洗淨無纖  
埃君家十二樓軒窓洞然開吹笙擊鳴鼓呼賓與  
儕孟名言落四座大嗟聲如雷舉頭望長空高興  
驚冥鴻仙人五六輩飛下白雲中粲粲明珠抱相  
從萬玉童問君何所事未就丹鼎功翩然却携手  
共入蓬萊宮

次方韶父遊九鎖山韻

平生一枝筇畏踏市朝路出門見青山如鶴追狡  
兔茲辰正炎暑赤日那肯暮振衣得冷風超若忘  
世故宜冥九鎖雲未睹心已慕想當挾良朋盡取  
奇絕處曠哉天壤間寓物豈爲廻歸來思舊丘我  
服寧改素無官正爾佳有子亦堪據誰歟事虛名  
白首不知誤

桶底圖

巨鼇奮其首戴山出海中神人擇所處共構金銀  
宮凭高開戶牖屈曲互通女仙七十二顏色如  
花紅一一執樂器奏曲殊未終世傳桃源圖共徵

彭澤翁此本出異士雕列尤精工天地極廣大爲  
地當不同我願學仙道積火乃有功鍊形去浮穢  
五色浮虛空一朝乘風去浩然入無窮

次韻景遠學士立春日

大雪入歲暮其兆爲有年澁澁始彌旬父老愁苦  
寒平旦上馬去重裘忽如單况彼牛衣子束溫囉  
微煙賴有固窮節猶念及古先  
古來有道士聲利不宜懷顧於草木微而愛松若  
梅茲辰閑庭戶適逢數花開芳意未渠央是足銜  
吾盃

人事重名實趨向盡百端丈夫負雄氣動欲追古  
賢於意少不愜自放江海邊登高望八極雲氣生  
我前萬事何足問所須惟酒錢  
崎嶇既山曲迢遞亦水濱既見蓬蓽士輒復忘爲  
勤得之眉睫間我遇固目神所善但樓護豈暇從  
若人

送淳安徐教諭之任

握手出南城眷眷從此辭蒼茫寒江色日暮浮雲  
滋大丹挾雙鸞輕若四馬馳淳安衆才彥並遲得  
師資擊鼓會高堂帷帳春風吹執經列座下曾問

無留疑平生五車書少出眉中奇歎然聽佳譽庶

用懌我思

贈李尊師

季君神人也冥晦居山中還丹九轉成顏色如兒童致虛感元氣語默與天通頃歲傷水旱下民食不充曰雨湏有雨曰風必有風上帝聞其賢行世多陰功采名紫虛府進位稱仙公騎龍上天去此樂無終窮

太古雪爲楊友宜賦

往時天大風能吹華山裂座此一卷石或云太古雪粵自開闢初雲氣所凝結已經六萬歲變化同蟻蝶望之色正白表裏共澄澈塵土不能汎光采耀日月顧君勿愛此持以獻金闕回中避暑時持

用消毒熱

胡氏刺虎圖

沈有烈婦人胡姓嫁劉氏從夫棗陽戍車宿水之澗夜半猛虎至嘶夫入箇婦夫人自驚起不暇生爲計直前執虎足盡力與牽制呼兒抽佩刀刃割虎立斃天命復不救復讐古所貴嗚呼流俗弊人義日以廢婦不失其大臣子競爲利患難圖苟免

聞此得無愧吾故作此詩于以告萬世

溪山積雪圖

大雪歸溪山長林晝暮晣橋跨絕岸遠望行客少買魚酤新酒獨酌竟昏曉似此非他人高士戴安道

偕虞伯生魏雄卿魏池燕集分韻得閣字

侯家有貴客置酒燕池閣溽暑方盛極風雨俄大作接楊相簸蕩蒲荷紛偃薄亂叶失蛙黾回翔迷鶴鶴街流汗穢盡竇湯波濤惡喧聲劇降殺神氣欣洗濯趣歡爭州作醑獻咲雜歌罈益弛劍佩嚴未厭觥籌錯調燮維理得漆灑宜施博和澤布原野濕烟散城郭嘉疏已清蒨良苗常濯濯吾徒家食餘豫有豐稔樂

題溫日觀墨葡萄

日觀作蒲萄電掃無踪迹誰於故紙上點綴辨墨筆西天十萬里來往僅瞬息敗闕固不小遺下履

題金壇宋氏自怡軒

白雲生何許萌芽自山石厥初僅毫末湊史大充斥蔓延寒虛空日月爲昏曆或時爲霖雨庶類蒙

潤澤或隨飄風散滅竟無迹相緣千萬變發色

黑青赤暗人情慕富貴驅逐不暫息轉盼失故常  
翫自怡憚人情慕富貴驅逐不暫息轉盼失故常  
在已何所得上下數千載往事猶歷歷於焉服聖  
訓無用苦沉澗昔年陶隱居常作帝王客挂冠神

武門作詩寫胸臆起然廢物外可謂貞且白何以

企若人鞠躬脩道德

磽松爲丁師善作

磽松高百尺磊落多大節連根抱危石古色黑如  
鐵隆冬方汎寒山中積霜雪蘿葛悉枯死蒼崕猶  
凍裂此時唯老幹峭直不摧折國匠求美材瞻望  
歎奇絕險阻不可致既作復中輒我顧驅六丁操

斧凜嶧崿得此棟梁材持以獻天闕

劉將軍詩

交趾小蠻夷去國將萬里土產無異物其人狀如  
鬼濕熱生瘡氣疾者無不死天兵雖南征棄之良  
有以徃年鄂州省綏靖失其理交馳赤白囊來告

犯邊鄙遣人覘虛實在廷孰可使矯矯劉將軍一

曰備行李有才兼文武不但善弧矢深入險惡地  
限敵纔一水介者數百人視之若螻蟻移文至其

國詰問事終始指摘中利害文辭更深美報書禮  
甚恭整色何敢爾彊更爭怨隙構煽乃爲此賄賂  
却勿受足以振綱紀威聲聞遠方一邊禍爲弭國  
家方全盛武備不可弛如此將帥才宜歌宿衛士

古木詩

大木生何許乃在泰山隈泰山崖石裂怒水響如  
雷浸潤長膏液根株日以培縱歷千百載霜雪不  
能摧長安天子詔欲築九層基臺上攜宮殿青雲  
共徘徊匠氏走海內博求棟梁材萬夫治道路揮  
斧重林開大器當大用小器易剪裁有如豪侈士  
蹤跡困塵埃適可厚自養母爲興歎哀

東山詩爲葉子實賦

東山高幾許上有浮空雲葉君居其間好道夙所

聞窮年絕人事矻坐孜遺文松闢畫常撈石田朝  
自芸葆真去汨昏養自讓氤氲軒冕有遺榮高舉  
謝世紛悠悠阻林莽長與麋鹿群跡來巢許臣不  
事堯舜君

題恒齋

精金有恒質入火愛百鍊君子有恒性寧逐外物  
變既不慕富貴又不厭貧賤素履往無咎夷險隨

所踐張侯老世故此義頗深見勉之復勉之繼之  
在無倦

次韻仲實見寄

平居憶故舊懷抱輒不佳興來望浮雲悵恨獨舉  
盃竒文孰能賞高言孰能偕茲辰辱使至喜有意  
問來諷誦剝傾倒百過卷且開得知賢者心出處  
與化排山嶽縱可移厥高固崔嵬弊廬邇喧市卑  
濕苦病骸常念川路脩杖屢安得陪撫事意踈散  
母論與俗乖猶恐戰不勝常處澗谷隈斯言弗果  
踐臨風重徘徊

題文永相書梅堂

大廈就傾覆難以一木支惟公抱忠義挺然出天  
姿死既得所處目顧乃不疑惻愴大江南名與日  
月垂我行見遺墨再拜墮涕淚名堂有深意亦唯  
歲寒枝可知平昔心慷慨非一時峩峩著棟宇昭  
昭示民知勿使風雨敗永慰千古思

塞上曲

沙塞何晵晵樹短百草長大河屈曲流不復辨四  
方驅車日將夕黑雲隱長岡人馬俱飢疲鮮鞍飲  
寒塘張坐逐平地擊火燒烏羊桐酪過醉酌搖艷

盈盈觴既醉歌鳴鳴頓蹴如驚狂月從天外來耿  
耿流素光悲風動寥廓拂面吹胡霜白鴈中夜飛  
參差自成行一箭落霜羽挾弓負家強中情無留  
滯千載能曠揚

邑中南峰陳翁義莊

骨肉分枝葉由來同一身榮枯不相待此富或彼  
貧君子尚周急况復在親親昧茲損益理有覩獨  
何人南峰自善士義裏超常倫樵心視末俗變化  
何由淳孰利佳田園鑿丹固有神割之惠宗族爲  
世成吾仁仰止文正公遺法實所循畧名倘不朽  
當與斯人均

偶題

叢生園中草蔚蔚媚幽姿乘時各敷榮皓色被綠  
枝似有微香發秋風輒吹之入人襟袖中亦復可  
憐茲詰朝步荒畦莖葉稍離披飄零即已矣霜露  
不爾私榮悴既有時小大何異而幸愛七尺軀天

道不可誣

夢讀退之詩頗奇詭已覺記其大旨作此篇  
自聞蓬萊山大林次長巒上生櫻桃蘿下生荆棘  
管仰不見天日藏苔霧雨寒仙聖常所處沮洳亦

少乾雖云誇鳳凰出入傷羽翰衣音起空洞令人  
鼻準酸我欲訴上帝爲施鐵鑿鑽珠落石側化  
爲千丈磐瓈樓與王殿玲瓏相通寃日月交戶牖  
光射青琅玕而我從吾師來遊樂且欣呼吸養元  
氣華腴生肺肝萬劫永不死如循環無端竊爲仙  
聖慮炳然心若丹上帝如許我致此亦何難

雪後次韻鄭集之

雪後登高望江山信奇故重岡起且伏相連白晉  
醴水官方謝事雲氣晝然開六龍翻滄海赤日從

中來萬物將蠢動忽如登春臺木行味正酸含蓼  
先屬梅天時亦相應初昏占斗魁遨遊自茲始入  
林踐蒼苔西湖青濕浸西山高崔嵬長松更千載  
老枝多折摧名僧衲精舍靜謐依巖隈伊予實矣  
士正可誅高萊情深惟痛飲毋吝發新醅家人欲  
求我但見白雲堆機心無自作可使絕嫌猜君辭

回

次韻劉師魯

三年客塞上日夜懷舊丘飢來迫我去何暇爲遠  
謀四顧無一親此身如羈囚悲風動沙漠回首令  
人愁道路已漫漫歲月復悠悠丈夫四方志至此  
何所求買船發河上河水亦南流携鉏理荒圃吾  
疾日已瘳飛鴈至江滸北風天始涼是時禾黍登  
斯人亦少康皇天降厚德胡爲私一方燕趙及齊  
魯人飢或相戕柰何有積廩如陵復如岡生非肉  
食者此憂心甚長亟謀樹皋壤剪茅覆小堂我志  
亦易豐歲祀有特羊

夏夜偕田郎中宿張子元家田君有詩用韻  
長日氣甚昏欲睡不可忍薄暮更飲酒趣取太白  
引坐久輒醒然累語加况矧高情逸世表遂使名  
迹泯彼人較是非達者但微哂交遊半天下公輩  
獨英敏

摘中篇

並海無山林莽莽皆平疇君家擇地利即此營菟  
裘棲樹作藩屏青紅間綱繆其中植橘柚擁蔽枝  
葉稠盛夏開白莖朱實懸高秋飛霜虧萬物寒風  
助颶颶凌晨攀躋候策杖巡維陬是何黃金多暴  
露宜藏收採摘資衆力轉輸及佗州不長傳倚殖

謂此同列侯上充國家賦下貽筐筥謀千繼可坐致何必龍陽洲

次韻袁伯長

盤盤海底石並樹青琅玕至陽生至陰龍宮常苦寒揚光炫朝彩吐氣蒸微瀾根株歷千載莫測勞悴端端如巢居子草木皮衣冠超然去人群取友

蹄與翰日誦黃帝言浩歎淚闌干奈何天下治必

以雲爲官佩劍黃金環咀丹白玉盤自聞至人德

積熱生肺肝黃塵日暮起對面不相看三山在何處使我師王韓聊歌紫芝曲倚君清夜彈

題屏風畫商山四老人

飛雪灑遙野衝波蕩無垠蟠蟠山谷間居比四老人下爲民庶師上作王家賓清風耿何許馳想寂

宴賓

李御史之陝

秦中古帝都遺俗五方弁君爲監御史出治周百城上當采民風下當宣德明赫赫英威振奸惡皆振驚弭節事觀覽慷慨有高情宅土稱上腴后稷此躬耕杭稌既充實承民日已生吸然我行由天下留滞客燕京岐山嶺嘗致鳳凰鳴騕驥不可追

矯首望去旣贈詩聊自寫寸心西向傾

遣興偶作

春蔬後前畦犧犧有顏色珍禽叫深樹過耳亦一適用是易吾慮毋爲自累積放浪天地間無今亦無昔古人得意處相與元不隔如何故人心未照我胸臆徵言極纖不實出左右力豈憚決係路人

生且爲客

書懷寄杜原父

吾生何爲者輝年志頗高神仙與功名杜思躍秋濤中宵豈無寐非甚幾欲號後來失所養百數患難逃竭力奉甘旨出入身甚勞舊書益遺忘九牛存一毛稍後與人事乃情如忍刀旦夕自惟念柔足非兒曹常欲力道德屢失迷所據區區冒蠹簡對案夜焚膏倘然有所得中心樂陶陶忽如從古人握手共遊遨携持亦何事庶用娛蓬蒿追思作詠歌示之必賢豪丈夫生世間毋論賤與貧夙發多意氣往往惟任真松柏生高岡挺然固出群不爲霜雪阨不爲風雨春得時可行道節義亦足伸吾生托下土所識凡幾人窮交獨相慰嗟語亦復